

居家必用事類全集

居家必用事類全集乙集目錄

家法

司馬溫公居家雜儀

袁氏世範

睦親

處已

治家

家禮

冠禮畧

男冠

女笄

婚禮畧

主婚

納采

納幣

親迎

婦見舅姑

廟見

壻見婦之父母

喪禮畧

治棺

置靈座菟帛

立銘旌

喪杖

成服

杖期

不杖期

殤服

作神主式

喪服圖式

四父八母圖

外族服圖

夫族服圖

五服之圖

治塋

穿塋

刻誌石

卒哭

祔祭

小祥

大祥

禫

祭禮畧

時祭

冬至祭

立春祭

季秋祭

忌日祭

墓祭

孫氏薦饗儀範

時月

版位

薦饌

祝辭

器服

行事

季明趙氏族葬圖

族葬圖

族葬圖說

居家必用事類全集乙集目錄

居家必用事類全集

乙集

家法

司馬溫公居家雜儀

凡爲家長必謹守禮法以御群子弟及家  
衆分之以職授之以事而責其成功制  
財用之節量入以爲出稱家之有無以  
給上下之衣食及吉凶之費皆有品節  
而莫不均一裁省冗費禁止奢華常須

稍存贏餘以備不虞

凡諸卑幼事無大小毋得專行必咨稟於家長

凡爲子爲婦者母得蓄私財俸祿及田宅所入盡歸之父母舅姑當用則請而用之不敢私假不敢私與

凡子事父母婦事舅姑天欲明成起盥漱櫛總具冠帶昧爽適父母舅姑之所省問父母舅姑起子供藥物婦具晨羞供

具畢始退各從其事將食婦請所欲於家長退具而供之尊長舉筋子婦乃各退就食丈夫婦人各設食於他所依長幼而坐其飲食必均一幼子又食於他所亦依長幼席地而坐男坐於左女坐於右及夕食亦如之既夜父母舅姑將寢則安置而退居間無事則侍於父母舅姑之所容貌必恭執事必謹言語應對必下氣怡聲出入起居必謹扶衛之



不敢涕唾喧呼於父母舅姑之側。父母舅姑不命之坐。不敢坐。不命之退。不敢退。

凡子受父母之命。必籍記而佩之。時省而速行之。事畢則返命焉。或所命有不可行者。則和色柔聲具是非利害而白之。待父母之許。然後改之。若不許。苟於事無大害者。必當曲從。若以父母之命爲非而直行。志雖所執。皆是猶爲不順。

之子。况未必是乎。

凡父母有過。下氣怡色。柔聲以諫。諫若不  
入。起敬起孝。悅則復諫。不悅與其得罪  
於鄉黨。州閭。寧熟諫。父母怒。不悅而撻  
之。流血不敢疾怨。起敬起孝。

凡爲人子弟者。不敢以富貴加於父兄宗  
族。

凡爲人子者。出必告。反必面。有賓客不敢  
坐於正廳。升降不敢由東階。上下馬不

敢當廳凡事不敢自擬於其父

凡父母舅姑有疾子婦無故不離側親調  
嘗藥餌而供之父母有疾子色不滿容  
不戲笑不宴遊舍置餘事專以迎醫檢  
方合藥爲務疾已復初

凡子事父母父母所愛亦當愛之所敬亦  
當敬之至於犬馬盡然而況於人乎

凡子事父母樂其心不違其志樂其耳目  
安其寢處以其飲食忠養之幼事長時

事貴皆倣此

凡子婦未敬未孝不可遽有憎疾姑教之若不可教然後怒之若不可怒然後笞之屢啓而終不改子放婦出然亦不明言其犯禮也子甚宜其妻父母不悅出子不宜其妻父母曰是善事我子行夫婦之禮焉終身不衰

凡爲宮室必辨內外深宮固門內外不共井不共浴堂不共廁男治外事女治內

事。男子晝無故不處私室。婦人無故不  
窺中門。男子夜行以燭。婦人有故身出  
必擁蔽其面。男僕非有繕脩及有大故  
不入中門。入中門婦人必避之。不可避  
亦必以袖遮其面。女僕無故不出中門  
有故出中門亦必擁蔽其面。鈴下蒼頭  
但主通內外之物。毋得輒升堂室。入庖  
厨。

凡卑幼於尊長晨亦省問。夜亦安置坐而

尊長過之則起出遇尊長於途則下馬  
不見尊長經再宿以上則再拜五宿以  
上則四拜賀冬至正旦六拜朔望四拜  
凡拜數或尊長臨時戒而止之則從尊  
長之命吾家同居宗族衆多冬至朔望  
聚於堂上丈夫處左西上婦人處右東  
上皆北向共為一列各以長幼為序共  
拜家長畢長兄立於門之左長姊立於  
門之右皆南向諸弟妹以次拜訖各就

列丈夫西上婦人東上共受卑幼拜受  
拜訖先退後輩立受拜於門東西如前  
輩之儀若卑幼自遠方至見尊長遇尊  
長三人以上同處者先共再拜叙寒暄  
問起居訖又曰再拜而止

凡受女婿及外甥拜立而扶之外孫則立  
而受之可也

凡節序及非時家宴上壽於家長卑幼盛  
服序立如朔望之儀先再拜子弟之最

長者一人進立於家長之前幼者一人  
搢笏執酒盞立於其左一人搢笏執酒  
注於其右長者搢笏跪斟酒祝曰伏願  
某官備膺五福保族宜家尊長飲畢授  
幼者盞注反其故處長者出笏俛伏興  
退與卑幼皆再拜家長命諸卑幼坐皆  
再拜而坐家長命侍者徧酢諸卑幼諸  
卑幼皆起序立如前俱再拜就坐飲訖  
家長命易服皆退易便服還復就坐



凡子始生若為之求乳母必擇良惠婦人  
稍溫謹者子能食飼之教以右手子能  
言教之自名及唱諾萬福安置稍有知  
則教之以恭敬尊長有不識尊卑長幼  
者則嚴訶禁之六歲教之數與方名男  
子始習書字女子始習女工之小者七  
歲男女不同席不共食始誦孝經論語  
雖女子亦宜誦之自七歲以下謂之孺  
子早寢晏起食無時八歲出入門戶及

即席飲食。必後長者。始教之以謙讓。男子誦尚書。女子不出中門。九歲男子

春秋及諸史。始爲之講解。使曉義理。女子亦爲之講解。論語孝經及列女傳。女戒之類。畧曉大意。十歲男子出就外傳。居宿於外。讀詩禮傳。爲之講解。使知仁義禮智信。自是以往。可以讀孟荀揚子。博觀群書。凡所讀書。必擇其精要者而讀之。其異端非聖賢之書。傳宜禁之。勿

使妾觀以惑亂其志。觀書皆通始可學  
文辭。女子則教以婉婉聽從及女工之  
大者。未冠笄者質明而起。總角黻面以  
見尊長。爲供養祭祀。則左執酒食。若既  
冠笄。則皆責以成人之禮。不得復言童  
幼矣。

凡內外僕妾。鷄初鳴咸起。櫛總盥漱衣服。  
男僕洒掃廳事及庭。鈴下蒼頭洒掃中  
庭。女僕洒掃堂室。設椅卓。陳盥漱櫛醕。

之具主父主母既起則拂床襪衾侍止左右以備使令退而具飲食得閒則浣濯組縫先公後私及夜則復拂床展衾當晝內外僕妾惟主人之命各從其事以供百役

凡女僕同輩謂長者爲姊後輩謂前輩爲姨務相雍睦其有鬪爭者主父主母聞之即訶禁之不止即杖之理曲者杖多止一不止獨杖不止者

凡男僕有忠信可任者重其祿能幹家事  
次之其專務欺詐背公徇私屢爲盜竊  
弄權犯上者逐之

凡女僕年滿不願留者縱之勤儉少過者  
資而嫁之其兩面二舌飾虛造謠離間  
骨肉者逐之屢爲盜竊者逐之放蕩不  
謹者逐之有離叛之志者逐之

袁氏世範

思所以爲善又思所以使人爲善者居

子之用心也三衢袁公君載德足而行  
成學博而文富以論思獻納之資屈試  
一邑學道愛人之政武城絃歌不是過  
矣一日出所為書示鎮曰是可以厚人  
倫而美習俗吾將版行于茲邑子其為  
我是正而為之序鎮熟讀詳味者數月  
其言則精確而詳盡其意則敦厚而委  
曲習而行之誠可以為孝悌為忠恕為  
善良而有士君子之行矣然是書也豈

惟可以施之樂清達諸四海可也豈惟  
可以行之一時垂諸後世可也噫公為  
一邑而切切焉欲以為己者為人如此  
則他日致君澤民其思所以兼善天下  
之心蓋可知矣鎮於公為太學同舍生  
今又蒙賴於桑梓荷意不鄙乃敢冠以  
骈散之文而欲目是書曰世範可乎君  
載諱采淳熙癸卯長至日承議郎前權  
通判隆興軍府事劉鎮序

睦親

兄弟子姪同居長者或恃長凌輒卑幼專用其財自取溫飽因而成私簿書出入不令幼者預知幼者至於饑寒必啓爭端或長者處事至公幼者不能承順盜財以為不肖之資尤不能和若長者總持大綱幼者分幹細務長必幼謀幼必長聽各盡公心自然無爭

朝廷立法於分析一事非不委曲然有竊



衆營私却於典買契中稱係妻財置到  
或詭名置產官中不能盡究又有起於  
貧寒不因父祖資產自能奮立營置財  
業或雖有祖衆財產別自殖立私財其  
同宗之人必求分析至於經州縣所在  
官府累年爭訟各至破蕩而後已若富  
者反思果是因衆成私不分與貧者於  
心豈無慊果是自置財產分與貧者明  
則為高義幽則為陰德又豈不勝連年

爭訟妨廢家務及資備累糧囑託胥吏  
賄賂官吏之費耶貧者亦宜自思彼實  
竊衆亦由辛苦營運以至增置豈可悉  
分之况彼之私財吾受之寧不有愧苟  
能知此必不至爭訟也

人之有子須使有業貧賤有業不至於饑  
寒富貴有業不至於非爲凡富貴之子  
弟耽酒色好博奕異衣服飭輿馬群小  
爲伍以至破家者非其本心之不肖由

無業以度日遂起為非之心小人贊其  
為非則有哺啜錢財之利常乘間而贊  
成之子弟早宜省悟

應親戚故舊有所假貸不若隨力給與之  
言借則我望其還不先有所索索之既  
頻而負債者反曰我欲償之以其頻索  
則姑已之方其不索則又曰彼不下氣  
問我我何為強還之故索亦不償不索  
亦不償終於結怨而後已蓋貧人之假

貸初無欲償之意縱其欲償則將何償  
或假貸作經營又多以命窮計拙而折  
閱方其始借之時禮恭言遜其感恩之  
心指天誓日可表及至責償之日恨不  
以兵刃相加所謂因財成怨矣俗謂不  
孝怨父母欠債怨財主不若念其貧隨  
吾力之厚薄以與之則我無責償之念  
彼亦無怨於我

子孫有過父祖多不自知貴官尤甚蓋子

孫有過多掩蔽父祖之耳目外人知之  
竊笑而已至於鄉曲貴官人之進見有  
時稱道盛德之不暇豈敢言其子孫之  
非况又自以子孫為賢而以人言為誣  
故子孫有彌天之過而父祖不知也間  
有家訓稍嚴而母氏猶有庇其子之惡  
不使其父知之富家之子孫不肖不過  
耽酒近賭博破家之事而已貴官之子  
孫不止於此強索人之錢財強貸人之

錢財強借人之物而不還強買人之物  
而不償親近群小則假勢以受人侵害  
善良則飭辭而妄訟鄉人有曲理犯法  
事認為已事名曰擔當鄉人有爭訟則  
偽作父祖之簡干懇州縣以曲爲直差  
夫借船放稅免罪以所得爲酒色之娛  
殆非一端其隨侍也私令吏人買物私  
托場務買物皆不償其直吏人補名吏  
人免罪吏人有優潤必書其報典買婢

要限以低價而使他人填陪或同院子  
游狎或干場務放稅其他妄有求覓亦  
非一端不卹誤其父祖陷于刑憲也凡  
為人父祖者知此事常閑防更宜詢訪  
或庶幾焉同姓之子昭穆不順亦不可  
以為後鴻鴈雖微猶不亂行人乃不然  
至於叔拜姪於理安乎設不得已養弟  
養孫以奉祭祀當視之如子與之財產  
受所養者奉之如父如古人為嫂制服

今世為祖承重之意。而昭穆不亂。

古人謂周人惡媒。以其言語反覆。給女家則曰男富。給男家則曰女美。近世尤甚。若輕信其言而成婚。則夫妻反目。至於他離者有之。大抵嫁娶固不可無媒。而媒者之言不可盡信。如此宜謹察于始。人之姑姨姊妹。及親戚婦人。年老而子孫不肖。不能供養者。不可不收養。然又須關防。恐其身故之後。其不肖子孫妄經。



官司稱其人因饑寒而死。或稱其有遺下囊篋之物。官中受詞。必爲追證。所擾須於生前。自之於衆。質之於官。稱身外無餘物。凡要爲高義之事者。必當預防之。

父祖高年。怠於管幹。多將財產均給子孫。若父祖出於公心。初無偏曲。子孫各能戮力。不事游蕩。必至興隆。若父祖緣有過房之子。有前母後母之。子亡而

不愛其孫又有非是等子孫自有憎  
愛凡衣食財物亦有厚薄致令子孫力  
求均給其父祖於其中又有輕重安得  
不起他口手端若父祖緣子孫內有不  
肖者慮其侵害不得已而均給者止可  
逐時均給財穀未可均給田產若均給  
田產彼以為已分所有必邀求尊長立  
契典賣典賣既盡窺覷他房從而婪取  
必至興訟使賢子賢孫被其擾害同於

破蕩不可不思大抵人之子孫或十數  
人皆賢其中有一不肖則十數均受其  
害至於破家者有之國家法令百端終  
不能禁父祖智謀日出終不能防欲保  
延家祚者覽他家之已往思我家之未  
來可不脩德熟慮以為長久之計耶

遺囑之文皆賢明之人為身後之慮然亦  
須公平乃可以保家如却於悍妻黠妾  
因後妻愛子中有厚薄偏曲或妄立嗣

或妄遜于不近人情之事。不可勝數。皆興訟破家之端也。

處已

世事多更變。乃天理如此。今世人往往見目前稍稍榮盛。以爲此生無足慮。未旋踵而破壞者多矣。大抵天序十年一換。甲則世事一變。今不須廣論久遠。只以鄉曲十年前二十年前比論。目前其成敗興衰。何嘗有定勢。世人無遠識。凡見

他人興進。及有如意事。則懷妬。見他人  
衰退。及有不如意事。則譏笑。同居及同  
鄉人。最多此患。若知天下事無定勢。則  
自慮之不暇。何暇妬他人。

應年高饗富貴之人。必須少壯之時。嘗盡  
艱難。受盡辛苦。不曾有自少壯饗富貴  
安逸至老者。早年登科。及早年受奏補  
之人。必於中年齟齬。不如意。却於暮年  
方得榮達。或仕宦無齟齬。必其生事窘

薄憂饑寒慮婚嫁若早年宦達不歷艱  
難辛苦及承父祖生事之厚更無不如  
意多不獲高壽造物乘除之理類多如  
此其間亦有始終饗富貴者乃是有大有  
福之人亦千萬人中間有之今人往往  
機心巧謀皆欲不受辛苦至終身享富  
貴及其子孫終於人力不能勝天  
人生世間自有知識以來即有憂患不如  
意事小兒叫號皆其意有不平自幼至

少至壯至老如意之事常少不如意之事常多。雖大富貴之人。天下之所仰羨。以爲神仙。而真不如意處。各自有之。與貧賤人無異。特所憂慮之事異爾。故謂之缺陷世界。以人生世間無足心滿意者。能達此理而順受之。則可少安。

凡人謀事。雖日用至微者。亦須齟齬而難成。或已成而敗。既而復成。然後其成也永久平寧。無復後患。若偶然易成。後必

有不如意者。造物微機不可測度如此。  
靜思之。則見此理。可以寬懷。

人之性行雖有所短。必有所長。與人交游。  
若常見其短而不見其長。則時日不可  
同處。若常念其長而不顧其短。雖終身  
與之交游可也。

凡人行已公平正直。可用此以事神。不可  
恃此以慢神。可用此以事人。不可恃此  
以傲人。雖孔子亦以敬鬼神事大夫畏。



大人爲言。況下此者哉。彼有行已不當  
理者。中有所嫌。動輒知畏。猶能避遠灾  
禍。以保其身。至於君子而偶罹于灾禍  
者。多由自負。以召致之耳。

人有言人而人不荅者。必有所容也。不可  
以爲人畏我而更求以辱之。人或起而  
我應。恐口噤而不能出言矣。人有訟人  
而人不校者。必有所處也。不可以爲人  
畏我而更求以攻之。爲之不已。人或出

而我辨恐理屈不能逃罪矣

同居之人或往來須揚聲曳履使人知之不可默造慮其過議我彼此慙愧況其間有不曉事之人好伏於幽暗處以伺人之言此生事與爭之端也凡人居僻靜不可輒譏人必慮有聞之者俗謂牆壁有耳是也

人家不和多因婦女以言激怒其夫及同輩蓋婦女所見不廣遠不公平所謂舅

姑伯叔姑姪皆假合強爲稱呼非爲天  
屬跋輕於割恩易於修怨非丈夫有遠  
識則爲其役而不自覺。一家之中。乖變  
生矣。於是兄弟子姪隔屋連牆至死不  
往來者有無子而不肯以猶子爲後有  
多子而不與兄弟者有不恤兄弟之貧  
養親必欲如一寧棄親而不顧者。塋親  
亦欲均費寧留喪而不死者。其事多端  
不可殫述。亦有遠識之人知婦人之不

可諫詢而外與兄弟相愛私救其所急  
私賙其所乏不使婦女知之彼兄弟之  
貧者雖怨其婦女而愛其兄弟至於分  
析不敢以貧而貪愛兄弟之財產者蓋  
由不聽婦女之言而先施之厚因以得  
兄弟之心也

婦女易生言語者多出於婢妾婢妾愚賤  
尤無見識以他人之短言於主母若婦  
女有見識能一切勿聽則虛佞之言不

復敢進若聽信之從而愛之則必再言之又言之使主母與人遂成深讐而婢妾方且得志奴隸亦多如此若主翁聽信則房族親故皆大失歡而善良之僕佃皆翻致誅責矣

士大夫之子第苟無世祿可守無常產可依而欲為仰事俯育之計莫若為儒其能習儒業者命運亨通可以取科第置富貴次可以訓導受束脩之俸否則事

筆札代賤簡之役次可以習點讀為章  
蒙之訓如不能為儒則巫醫僧道農商  
伎藝可以養生。不至於辱先皆可為也。  
子弟之流蕩至於為乞丐竊盜此最厚  
先之甚。世人有為之而不自愧者何哉  
凡人生而無業。及有業而喜於安逸者家  
富則習。下流家貧則必為乞丐。凡人  
生飲酒無度。食無節。好淫濫習博奕  
者家富而致於破蕩。家貧而必為竊盜。

治家

夜間覺有盜。便須直言有盜。徐起逐之。盜必且竄。不可乘暗擊之。恐盜之急。以刀傷我。及誤擊自家之人。若持燭見盜。擊之。猶庶幾。若獲盜已受拘執。自當準法。勿毆傷。

劫盜雖小人之雄。亦自有識見。如富家平時不刻剝。又能樂施。又能種種方便。當兵火擾攘之際。猶得保全。至不忍焚毀。

其屋凡盜所決意焚掠者皆積惡之人  
宜自省也

茅屋須常防火。大風須常防火。積油物積  
石灰須常防火。此類甚多。切宜仔細。

富人有愛其小兒者。以金銀珠寶之屬飾  
其身。小人有貪者。於僻靜處壞其性命。  
而取其物。雖聞于官。宜于法何益。小兒  
非有壯夫攜抱。不可令游行街巷。恐有  
誘畧之人。



清晨早起昏晚早睡。可防婢僕姦盜。婢妾  
若與主翁親近。多挾此私通。僕輩有子  
則以主翁藉口。蓄愚賤之。裔至破家者  
多矣。凡有婢妾。不可不謹其始。而防其  
終。

人有婢妾。不禁出入。至與外人私通。有祗  
不正其罪。而不遽逐去者。往往有於主  
翁身故之後。言是主翁遺腹子。而求歸  
宗。旋致興訟。世俗所宜誣此。免累後人。

婦女多妬。有正室者。少蓄婢妾。蓄婢妾者。多無正室。夫蓄婢妾者。內有子弟。外有僕隸。皆當關防。制以上母。猶有他事。況無所統轄。以一人之耳目臨之。豈難欺蔽哉。暮年尤非所宜。使有意外之事。當如之何。

夫置婢妾。教歌舞。使有樽以爲賓客之歡。切勿蓄姿貌過人者。慮有惡客起覬覦之心。必欲得之。逐獸則不見泰山。苟勢

可以陵我則無所不至。綠珠之事在古可鑒。近世亦有之。不欲指其名耳。

婢僕有頑狠全不中使令者。宜善遣之。不可留。留則生事。主或過於歐傷。此輩或挾怨爲惡。有不容言者。婢僕有姦盜及逃亡者。宜送之於官。依法治之。不可私自鞭撻。亦恐有意外之事。或逃亡非其本情。或所竊止於微物。宜念其平日有勞。只畧懲之。仍前留備使令可也。

婢僕有小過不可親自鞭打蓋一時怒氣  
所激鞭打之數必不記徒且費力婢僕  
未必知畏惟徐徐責問令他人執而打  
之視其過之輕重而定其數雖不過怒  
自然有威婢妾亦自畏憚矣壽昌胡倅  
彥特之家子弟不得自打僕隸婦女不  
得自打婢妾有過則告之家長為之行  
遣婦女擅打婢妾則撻子弟此賢者之  
家法也

婢僕有過既已鞭撻而使令辭色如常則無他事蓋小人受杖方懷怨而主人怒不釋恐有輕生而自殘者

婢僕有無故而自縊者若其身溫可救不可解其縛須急抱其身令稍高則所縊處必稍寬仍更令一人以指於其縊處漸漸寬之覺其氣漸往來乃可解下仍急令人吸其鼻中使氣相接乃可以蘇或不脫此理而先解其縊處其身力重

其縫處愈緊。只一噓氣便不可救。此不可不預知也。如身已冷不可救。或救而不蘇。當留本處不可移動。叫集隣保以事聞官。仍令得力之人日夜同與守視。恐有大鼠之屬食其屍也。自刃不死宜以物掩其傷處。或氣絕亦當如前說。人家有井於墜處宜爲缺級。今可以上下。或有墜井投井者可令人救應。或不及亦當如前說。瀕水投井而水深不可援。

者宜以竹簞及木板能浮之物投與之  
溺者有所執則身浮可以救急或不及  
亦當如前說夜睡斃死及卒死者亦不  
可移動

婢僕宿卧去處當爲點檢冬無風寒夏無  
蚊蚋以至牛馬六畜遇冬寒各爲區處  
牢圉棲息之處此其仁人之用心物我  
爲一理也

蓄奴隸惟本土人最善或病患則有親屬

爲之扶持。或非理自殘有親以明其事。  
或婢妾無夫子兄弟可依。僕隸無家可  
歸。念其有勞。不可不養。當預經官自陳。  
則無患。

雇婢僕須要牙保。分明牙保。又不可令我  
家人爲之。

買婢妾不可不細詢其所自來。恐有良人  
子女爲人所誘。若果然則告之于官。不  
可還與引來之人。恐自殘。



佃僕婦女有等於人家婦女小兒誘誘莫  
令家長知而欲重息以生借錢穀及借  
資物以濟急者皆有心於脫漏必無還  
意而婦女小兒不令家長知則不敢取  
索終爲有負爲家長者宜常以此言喻  
之

尼姑道婆媒婆牙婆及婦人以賣買針灸  
爲名皆不可令入人家凡脫漏及引誘  
爲不美之事皆此曹也

人戶交易先憑牙人指出丘段參合契書  
文字就問有無界至交爭重疊與賣次  
問有無瞞昧尊卑未曾分析寡婦幼子  
執憑交易有無諸般違礙方可成契必  
親見其押字書契交錢必有知證已成  
契後宜即投印管業割稅若因循不割  
稅入戶而為人告論以致拘沒官府條  
令昭然惟交易一事最為詳明蓋欲以  
杜爭端也而人戶不悉乃至違法交易

不印契。不離業。不割稅。以致重疊交易。  
詞訟連年不決。豈非自取其辜哉。

凡鄰近利害之產。欲得之宜。增其價。不可  
恃勢執其親隣。及從典至賣。及無人敢  
買。而欲低折其價。萬一他人買之。則悔  
且無及。亦爭訟之由也。

凡交易必須項項合條。即無後患。不可以  
人情契密。不為之防。或失歡。則成爭端。  
如交易取錢未盡。及贖產不曾取契之

類宜即理會去着。或即聞官以絕將來  
詞訟。切戒切戒。

貧富無定勢。田產無定主。有錢則買。無錢  
則賣。買產之家。當知此理。不可苦抑賣  
產之人。蓋人之賣產。或飲食。或負債。或  
疾病。或死亡。或婚嫁。爭訟。欲百千之用。  
則鬻百千之產。若買產之家。即還其直。  
雖轉手無存。且了其欲用。而為富家不  
仁之人。知其欲用之急。則陽詎陰釣之。

以重扼其價。既成契。則姑還其直之半。則延引數日。辭以未辦。或以麥少。或以米穀他物。高價補償。而出產之家。必是窘乏。所得零微。隨即耗散。向之准擬。以辦此事。今不復辦矣。而又往來取討。跋涉之費。出乎其中。彼富家方自喜。以為善謀。不知天道好還。有及其身而獲報者。縱不及其身。而及其子孫。富家多不之悟。豈不迷哉。

貪弁之家恃其豪強見有產之家子弟昏  
愚不肖及有緩急多是將錢強以借與  
或始借之時設酒食以媚悅其意或既  
借之後歷數年而不索待其息多又設  
酒食以誘使之轉息併為本錢而又生  
息又誘勒其將田產折還於條雖幸免  
天網不漏諺云富兒更替做迭相報也  
有輕於舉債者不可借必是無藉之人已  
懷負賴之意凡借人錢穀少則易償多

則易負故借多者雖力可還亦不肯還  
寧以所還之資為爭訟之費者多矣

凡人之敢於舉債者必謂他日之寬餘可  
以償也不知今日之無他日何為而有  
譬如百里之路分為兩日行則兩日可  
辦若以今日之路使明日併行雖勞亦  
不可至無遠識之人求目前寬餘而那  
積在後者無不破家也

凡有產必有稅賦須是先留輸納之費却

將餘剝分給日用所入或薄只得省用  
不可侵支臨時官中追索未免舉償充  
息以致耗家大抵曰貧曰儉自是賢德  
切不可以此為愧若能知此則無破家  
之患矣

納稅雖有省限須早納為安如納苗米若  
不趁晴早納或值雨連日將如之何然  
州縣多有不體量民力如納米初時又  
要乾白加量後且濕惡減量又折為低



價如納稅絹物帛初時必欲重厚實者  
後來見納數少則放行折納人戶攬子  
較量前後輕重不肯撓先送納致被縣  
道追擾惟鄉曲賢者自求省事不以毫  
末之較遂愆期也

人有糾率錢物造橋修路及造渡船宜隨  
力助之不可謂捨財不見獲福而不為  
且如道路既成吾之晨出暮入過橋乘  
渡並無踈虞皆所獲福也

人之經營財利。偶獲厚息。以致富貴者。必其命運亨通。造物者陰隲致此。其間有見他人獲息之多。致富之速。則欲以人事強奪天理。如販米則加之以水。賣鹽則夾以灰。賣漆則和以油。賣藥則雜以他物。如此等類。不勝其多。目下得其贏餘。其心欣然。不知造物者隨即以他事取去。終於貧乏。所謂人力不能勝天。大抵轉販經營。先存心地。凡物貨必真。又

須敬惜不貪厚利任天理如何雖自下  
所得之薄必無後患矣

起造屋宇最人家至難之事年齒高大世  
事諳曉於起造一事猶多不悉况未更  
事其不因此破家者幾希盖造屋之時  
必先與匠者謀匠者惟恐主人憚費而  
不為則必小其規模節其費用主人以  
為力可辦銳意為之匠者則漸增廣其  
規模至數倍其費而屋猶未及半主人

勢不可中輟。則揭債售產。匠者方喜興作之未艾。工鏊益增。余常勸人起屋宇。須十數年經營以漸為之。則屋成而家富。自若。蓋先定基址。或平高就下。或增卑為高。或築牆穿也。逐年漸為之。期以十餘年而後成。次議規模之大小。材木之若干。必藉其數。逐旋收買備足。期以十餘年而畢備。次議瓦石之多少。皆預以漸而儲之。雖工程之費。亦不取辦於

倉卒。故屋成而家富自若也。

家禮



男子年十五至二十皆可冠。

溫公曰。古者二十而冠。所以責成人之禮。蓋將責為人子。為人弟。為人臣。為人少者之。行於其人。故其禮不可以不重也。近世以來。人情輕薄。過十歲而總角者少矣。彼責以四者之行。豈知之哉。往

往自幼至長愚騷若一。由不知成人之道故也。今雖未能遽革。且十五以上俟其能通孝經論語。粗知義理。然後冠之。其亦可也。

必父母無期以上喪始可行之

文公曰大功未葬者亦不可行

笄女子許嫁笄母爲主

文公曰年十五雖未許亦笄

婚禮畧

男子年十六至三十。女子年十四至二十。  
溫公曰。古者男三十而娶。女二十而嫁。  
今令文男年十五。女年十三以上。並聽  
婚嫁。今爲此說。所以參古今之道。酌禮  
令之中。順天地之理。合人情之宜也。

身及主婚者無期以上喪。乃可成婚。

文公曰。大功未葬。亦未可主婚。凡主婚  
則以族人之長爲主。

必先使媒氏往來通言。女氏許之。然後納。

采

溫公曰。凡議婚姻。必先察其父母與婦之性。行及家法何如。勿苟慕其富貴。壻苟賢矣。今雖貧賤。安知異時不富貴乎。苟為不肖。今雖富貴。安知異日不貧賤乎。婦者。家之所由盛衰也。苟慕一時之富貴而娶之。彼挾其富貴。鮮有不輕其夫而傲其舅姑。養成驕妬之性。異日為患。庸有極乎。借使因婦財以致富。依婦



勢以取貴。苟有丈夫之志氣者，能無愧乎？又世俗好於襁褓童幼之時，輕許為婚。亦有指腹為婚者。及其既長，或不肖無賴，或身惡疾，或家貧凍餒，或喪服相仍，或從官遠方，遂至棄信負約，逮獄致訟者多矣。是以先祖太尉嘗曰：吾家男女必俟既長，然後議婚。既通書，不數月必成婚。故終身無此悔。乃子孫所當法也。

又曰。文中子曰。婚娶而論財。夷虜之道也。夫婚姻者。所以合二姓之好。上以事宗廟。下以繼後世也。今世俗之貪鄙者。將娶婦。先問資裝之厚薄。將嫁女。先問聘財之多少。至於立契約。云某物若干。某物若干。以求售其女者。亦有既嫁而復欺給負約者。乃駟僧賣婢鬻奴之法。豈得謂之士大夫婚姻哉。其舅姑既被欺給。則殘害其婦。以摠其忿。由是愛女

者務厚其資裝以悅其舅姑。殊不知彼貪鄙之人不可盈厭。資裝既竭。則安用汝女哉。於是質其女以責貨於女氏。而貨有盡。而責無窮。故婚姻之家。往往終為仇讐矣。是以世俗生男則喜。生女則戚。至有不舉其女者。用此故也。然則議婚姻有及於財者。皆勿與為婚姻可也。

納采

納其采擇之禮  
即今所謂定也

主人具書。夙興奉以告于祠堂。乃使子弟

為使者如女氏。女氏主人出見使者。遂  
奉書以告祠堂。出以復書授使者。遂檀  
之。使復命壻氏。主人復以告于祠堂。

納幣

幣用色絹。金釵。羊酒。今人更用銀釵。羊酒。

具書遣使如女氏。女氏受書。復書同納采  
之儀。

親迎

前期一日。女氏使人張陳其壻之室。厥明  
壻家設位于室中。女家設次于外。○初

婚壻盛服主人告于祠堂遂醮其子而命之迎壻出乘馬至女家俟于次女家主人告祠堂遂醮其女而命之主人出迎壻入奠醵姆奉女出登車壻乘馬先婦車至其家導婦以入壻婦交拜就坐飲食畢壻出復入就服燭出主人禮賓婦見舅姑

明日夙興婦見於舅姑舅姑禮之婦見於諸尊長若氣婦則饋於舅姑舅姑饗之

廟見

三日主人以婦見于祠堂

壻見婦之父母

明日壻見婦之父母。次見婦黨諸親。婦女  
禮壻如常儀。

**喪禮**

治棺

溫公曰。棺欲厚。然太厚則重而難以致  
遠。不必高大。原地使壙中寬易致摧毀。

宜深加之槨。雖聖人所制。自古用之。然板木歲久。終歸腐爛。徒使壙中寬大。不能牢固。不若不用之。爲愈也。孔子塋。鯉有棺而無槨。又許貧者還葬而無槨。今不欲用。非爲貧也。乃欲保安亡者耳。程子曰。雜書有松脂入地。千年化爲茯苓。萬年化爲琥珀之說。蓋物莫久于此。故以塗棺。古人已有用之者。

置靈座設寬帛

溫公曰古者鑒不爲重以主其神。今今  
式亦有之。然士民之家未嘗識也。故用  
東帛依神謂之魂帛。亦古禮之遺意也。  
○世俗皆畫影置於魂帛之後。男子生  
時有畫像用之。猶無所謂。至於婦人生  
時深居閨門。出則乘輜輶擁蔽其面。既  
死豈可使畫工直入深室揭面之帛執  
筆畫相。畫其容貌。此殊爲非禮。又世俗  
或用冠帽衣履裝飾如人狀。此尤鄙俚。



不可從也

高氏曰。古人遺衣裳必置於靈座。既而藏於廟中。恐當從此說。以遺衣裳置於靈座。而加黃帛於其上可也。文公曰。三禮圖有畫像可考。然且如溫公之說。亦自合時之宜。不必過泥於古也。

立銘旌

以絲帛爲銘旌。廣絳幅。三品以上九尺。五品以下八尺。六品以下七尺。書曰某

官某公之柩無官即隨其生時所稱以竹為杠如其長倚於靈座之右

父喪杖用竹母喪杖用木

按五禮新儀曰父杖竹長與孝子心齊助孝子之衰朽無力竹有節孝子有節哀之文禮云父喪杖竹用自死竹為之謂竹性不可改為竹斬斷而不能接續蓋母有接人之體其杖用木能接續之意也白虎通云母喪用桐為之謂無根

能生又桐子生而不離枝葉禮云桐同也取其同而有別痛有致切也敬親之道故聖人以竹木別之梧桐之子隨枝葉而生取其母子無絕道也

成服

一曰斬衰三年○斬不緝也衣裳皆用極麤生布旁及下際皆不緝正服則子為父也○加服則嫡孫父卒為祖若曾高祖承重者也父為嫡子當為後者也

○義服則婦為舅也。夫承重其後也。為人後者為所後父也。為所後祖承重也。夫為人後則妻從服也。妻為夫妻為君也。

二曰齊衰三年。○齊緇也。其衣裳制並如斬衰但用次等生麤布緇其旁及下際。○正服則子為母也。士庶之子為其母同而為父後則降也。○加服則嫡孫父卒為祖母若曾高祖母承重者也。母

為嫡子當為後者也。義服則婦為姑也。夫承重則從服也。為繼母也。為慈母。謂庶子無母而父命他妾之無子者。慈已也。繼母為長子也。妾為君之長子也。

杖期

服制同上。但又用次等生布。○正服則嫡孫父卒祖在。為祖母也。降服則為父卒繼母嫁則已從之也。夫為妻也。子為父後則為出母。繼母無服。繼母出則無

服也

不杖期

服制同上。但不杖。又用次等生布。○正  
服。則為祖父母。女雖適人不降也。庶子  
之子為父之母。而為祖後則不服也。為  
伯叔父也。為兄弟也。為衆子也。為男女  
也。為兄弟之子也。為姑姊妹女在室及  
適人而無夫與子者也。婦人無夫與子  
者。為其兄弟姊妹及兄弟之子也。妾為

其子也。加服則爲嫡孫。若曾元孫當爲  
後者也。女適人者。爲兄弟之爲父後者  
也。○降服則嫁母出母。爲其子。子雖爲  
父後猶服也。妾爲其父母也。○義服則  
繼母嫁母。爲前夫之子從已者也。爲伯  
叔母也。爲夫兄弟之子也。繼父同居父  
子皆無大功之親者也。妾爲君之衆子  
也。舅姑爲嫡婦也。○五月正服則爲曾  
祖父母。女適人者不降也。○三月正服

則為高祖父母。女適人者不降也。○義  
服則繼父不同居者。謂先同今異。或雖  
同居而繼父有子。已有大功以上親者  
也。其元不同居者。則無服。

三曰大功九月。○服制同上。但用粗熟  
布無負版。○正服則為從父兄弟姊妹。  
謂伯叔之子也。為衆孫男女也。○義服  
則為衆子婦也。為兄弟子之婦也。為夫  
之祖父母。伯叔父母。兄弟之子婦也。夫



為人後者其妻為本生姑舅也

四曰小功五月○服制同上但用稍細  
熟布○正服則為從祖祖父從祖祖姑  
謂祖之兄弟姊妹也為兄弟之孫為從  
祖父從祖姑謂從祖祖父之子父之從  
父兄弟姊妹也為從祖父兄弟之子也  
為從祖兄弟姊妹謂從祖父之子所謂  
再從兄弟姊妹者也為外祖父母謂母  
之父母也為舅謂母之兄弟也為甥謂

姊妹之子為從祖母。謂母之姊妹也。為同母異父之兄弟姊妹也。○義服。為從祖祖母也。為夫兄弟之孫也。為從祖母也。為夫從兄弟之子也。為夫之姑姊妹適人者不降也。女為兄弟姪之妻已適人亦不降也。為娣姒。婦謂兄弟之妻相名。長婦謂次婦曰娣。姒婦謂長婦曰姒。婦也。庶子為嫡母之父母。兄弟姊妹嫡母死則不服也。母出則為繼母之父母。

兄弟姊妹也。為庶母慈已者。謂庶母之乳養已者。為嫡孫若曾玄孫之當為後者之婦。其姑在則否也。為兄弟之妻也。為夫之兄弟也。

五曰緦麻三月。○服制同上。但用極細熟布。○正服則為族曾祖姑。謂曾祖之兄弟姊妹也。為兄弟之曾孫也。為族祖父族祖姑。謂族曾祖父之子也。為從父兄弟之孫也。為族父族姑。謂族祖父之

子也。為從祖兄弟之子也。為族兄弟姊妹  
姪。謂族父子之所謂三從兄弟姊妹也。  
為曾孫玄孫也。為外孫也。為從母兄弟  
姊妹。謂從母之子也。為外兄弟。謂姑之  
子也。為內兄弟。謂舅之子也。○降服。則  
庶子為父後者。謂其母而為其母之父  
母兄弟姊妹。則無服也。○義服。則為族  
曾祖母也。為夫兄弟之曾孫也。為族祖  
母也。為夫從兄弟之孫也。為族母也。為

夫從祖兄弟之子也。為庶孫之婦也。士  
為庶母。謂父妾之有子者也。為乳母也。  
為婿也。為妻之父母。妻亡而別娶亦同。  
即妻之親母。雖嫁出猶服也。為夫之曾  
祖高祖也。為夫之從祖祖父母也。為兄  
弟孫之婦也。為夫兄弟孫之婦也。為夫  
從祖父母也。為從父兄弟子之婦也。為  
夫從兄弟之妻也。為夫從父姊妹適人  
者不降也。為夫之外祖父母也。為夫之

從母及舅也。為外孫婦也。女為娣妹之  
子婦也。為甥婦也。

殤服

凡為殤服以次降一等。凡年十九至十  
六為長殤。十五至十二為中殤。十一至  
八歲為下殤。應服期者。長殤降服大功。  
九月中殤。七月下殤。小功五月。應服大  
功以下。以次降等。不滿八歲為無服之  
殤。哭之以日易月。生未三月則不哭也。

男子已娶女子許嫁皆不為殤也。○凡男為人後女適人者為其私親皆降一等。私親之為之也亦然。女適人者降服未滿被出則其本服已除則不復服也。

### 作神主式

伊川程先生作神主式云。作主用栗。取法於時月日辰。趺方四寸。象歲之四時。高尺有二寸。象十二月。身博三十分。象月之日。厚十二分。象日之辰。身博三十分。厚十二分。刻

上五分為圓首寸之下勒前為額而判

之一居前二居後前四分後八分陷中以書爵

姓名行曰某故某官某公諱某字某第

合之植於跌身出跌上一尺八分并跌高一尺二寸竅其

旁以通中如身厚三之一謂圓徑四分居二

分之上謂在七寸二分之上粉塗其前以書屬稱

屬謂高曾祖考稱謂官或號旁稱主祭

之名曰孝子加贈易世則筆滌而更之

亦以洗外改中不改

改之



前

面

皇考某官封謚府君神主

孝子某奉祀

# 作神主式

裏


刻上五分 額下陷中長六寸廣三寸深四分

故某官某公諱某字某第幾神主

面

為圓首 身四尺 博一厚寸二分

跌



方四寸

厚寸二分

寸之下勒前為額而刊之

前厚四分

竅居三寸六分之平

竅下距跌面二寸二分

竅其旁以通中圓徑四分

後厚八分

喪服圖式

|         |    |     |     |     |   |     |   |  |  |  |  |
|---------|----|-----|-----|-----|---|-----|---|--|--|--|--|
| 四十圍單下取方 |    | 裁袖領 |     | 服   |   | 喪   |   |  |  |  |  |
| 裁八四寸    | 不用 | 闊   | 塞   | 不用  | 袂 | 袂   | 袂 |  |  |  |  |
|         |    |     |     |     |   |     |   |  |  |  |  |
| 適之圖     | 右適 | 為左右 | 領四寸 | 反摺辟 | 袂 | 袂   | 袂 |  |  |  |  |
|         |    |     |     |     |   |     |   |  |  |  |  |
| 中       |    | 闊   |     | 左適  |   | 右適  |   |  |  |  |  |
| 式       |    | 當如常 |     | 用者石 |   | 其餘不 |   |  |  |  |  |
| 裁闊中     |    | 當如常 |     | 用者石 |   | 其餘不 |   |  |  |  |  |
| 式       |    | 當如常 |     | 用者石 |   | 其餘不 |   |  |  |  |  |

式

正人君子

五十六

國

紅

敘

不

圖

法

幅三前幅四後

言首曰經腰曰環

帶○謂以腰之制不冠

先生曰：「首經六一。」


只是拙指與第二

指一圍腰紅

冠 衰 斬



冠 衰 齊



布 繻



大功冠並同小功冠三時積向左餘皆齊其同

總麻元

漢書薛廣同小功餘  
與齊魯同


製小絞帶又小於腰  
 經腰經象六帶兩頭  
 長垂下絞帶象革帶  
 頭一有繩子以一頭  
 串於中而束之朱先  
 生曰首經右本止上者  
 齊衣經之制以麻根為  
 者頭右邊而從額前向  
 左圓向後後却就右邊  
 元麻非處相接以麻尾  
 藏於麻根之下麻根  
 正麻尾之上而纏者以  
 其加於冠外須着纓  
 方不脫落也

斬 衰 首 經 斬 衰 用 麻



左本在下

齊 衰 首 經 小 功 以下 結 本 垂 不 散 齊 衰 以下 用 布



右本在上

# 四 父 八

居

大功之親

同

齊衰不杖

期謂子無

父

者則無服

繼

元不同居

居

居後輩者

同

與繼父同

不

齊衰三月

謂先隨母

承

謂養同宗

齊衰三年

及盡棄之

母

子同親母

嫡

謂妾生子

齊衰三年

與父正室

母

母曰嫡母

姪

謂父亡而

齊衰杖期

母改適嫁

人者其母

為子乃齊

衰不杖期

乳

謂小年曾

總麻三月

母

乳哺已者

謂之乳母

# 母服圖



# 外族服圖

外祖  
功小

母舅  
功小

妻父母  
麻總

母姨  
功小

舅之  
子  
麻總

妻周  
年

姨之  
子  
麻總

甥婦  
麻總

女壻  
麻總

姑子  
麻總

外孫  
麻總




# 夫族服圖

|                   |                                      |                                  |
|-------------------|--------------------------------------|----------------------------------|
| <p>夫姑<br/>功小</p>  | <p>夫祖<br/>功大<br/>夫父<br/>功三<br/>年</p> |                                  |
| <p>大姊妹<br/>功小</p> | <p>夫三年</p>                           | <p>夫伯叔<br/>功大<br/>夫兄弟<br/>功大</p> |
| <p>堂姪<br/>麻緦</p>  | <p>夫姪<br/>功小</p>                     | <p>夫姪<br/>功小</p>                 |
|                   | <p>姪婦<br/>麻緦</p>                     |                                  |

# 服五

|   |   |  |  |  |
|---|---|--|--|--|
| <p>祖高<br/>齊妻<br/>祖齊妻<br/>父孫承<br/>三年<br/>已<br/>斬妻<br/>期杖<br/>孫<br/>小功<br/>總麻<br/>玄總麻</p> | <p>親<br/>叔伯祖<br/>月麻三<br/>祖叔<br/>月服叔<br/>杖期弟<br/>大功男<br/>大功孫<br/>無服孫<br/>無服孫</p> | <p>從<br/>叔伯堂<br/>月麻三<br/>叔伯堂<br/>月服叔<br/>杖期弟<br/>大功男<br/>大功孫<br/>無服孫<br/>無服孫</p> | <p>再<br/>從<br/>叔伯堂<br/>月麻三<br/>叔伯堂<br/>月服叔<br/>杖期弟<br/>大功男<br/>大功孫<br/>無服孫<br/>無服孫</p> | <p>三<br/>從<br/>叔伯堂<br/>月麻三<br/>叔伯堂<br/>月服叔<br/>杖期弟<br/>大功男<br/>大功孫<br/>無服孫<br/>無服孫</p> |
|---|---|--|--|--|

# 之圖



三月而葬前期擇地之可葬者○溫公曰古者天子七月諸侯五月大夫三月士踰月而葬今五服年月敕王公以下皆三月而葬然世俗信葬師之說既擇年月日時又擇山水形勢以為子孫貧富貴賤愚賢壽夭盡系於此而其為術又多不同爭競紛紛無時可決至有終身不葬或累世不葬或子孫衰替妄失

處所遂棄捐不葬者正使殯葬實能致人禍福為子孫者亦豈忍使其親臭腐暴露而自求利耶悖禮傷義無過於此然孝子之心慮患深遠恐淺則為人所揆深則濕潤速朽必求土厚水深之地而葬之所以不可不擇也或曰家貧鄉遠不能歸葬則如之何公曰子游問喪具夫子曰稱家之有無子游曰有無惡乎齊夫子曰有毋過禮苟無矣斂乎足

形還葬懸棺而窆。人豈有非之者哉。昔  
庶范千里負喪。郭平自曾營墓。豈待豐  
富然後葬其親。或在禮未葬。不變服。食  
粥。居廬。寢苦枕塊。蓋憫親之未有歸。故  
寢食不安。奈何。嗟之。出遊。食稻衣錦。不  
知其何以爲心哉。世人又有游宦沒於  
遠方。子孫火焚其柩。收燼歸葬者。夫孝  
子愛親之肌體。故斂而藏之。殘毀他人之  
屍。在律猶嚴。況子孫乃悖謬如此。其始

蓋出於羗胡之俗浸染中華行之既久  
習以爲常見者恬然曾莫之恠豈不哀  
哉延陵季子子死塋于贏博之間孔子  
以爲合禮必也不能歸塋塋于其地可  
也豈不猶愈於焚燬乎又曰昔者吾諸  
祖之塋也家甚貧不能具棺槨自太尉  
公而下始有棺槨然金銀珠玉之物未  
嘗以錙銖入於壙中將塋大尉公族人  
皆曰塋者家之大事柰何不詢陰陽此

必不可。吾兄伯康無如之何。乃曰：詢於陰陽則可矣。安得良葬師而詢之？族人曰：近村有張生者，良師也。數縣皆用之。兄乃召張生，許以錢二萬。張生野夫也，世爲塋師。爲野人葬，所得不過千錢。聞知大喜。兄曰：汝能用吾言，吾畀爾塋。不用吾言，將求他師。張曰：惟命是聽。於是兄自以已意處歲月日時及壙之淺深，廣狹道路所從出，皆取便於事者。使張



生以塋書緣飾之曰大吉以示族人族人皆悅無違異者。今吾兄年七十九以列卿致仕。吾年六十六忝備侍從宗族之從仕者二十有三人。視他人之謹用塋書未必勝吾家也。前年吾妻死。棺成而歛。裝辦而行。壙成而塋。未嘗以一言詢陰陽家。迄今亦無他故。吾嘗疾陰陽家立邪說以惑衆爲世患。於喪家尤甚。頃爲諫官嘗奏乞禁天下塋書。當時執

政莫以爲意今著茲論庶俾後之  
葬必以時欲知葬具之不必厚視  
欲知葬書之不足信視吾家

程子曰卜其宅兆卜其地之美惡也非  
陰陽所謂禍福者地之美者則其神靈  
安其子孫盛若培植其根而枝葉茂理  
固然也地之惡者則反是然則曷謂地  
之美者土色之光潤草木之茂盛乃其  
驗也父祖子孫同氣彼安則此安彼危

則此危亦其理也而拘忌者惑以擇地之方位決日之言凶不亦泥乎甚者不以奉先為計而專以利後為慮尤非孝子安厝之用心也惟五患者不得不謹須使他日不為道路不為城郭不為溝池不為貴勢所奪不為耕犁所及也一本云所謂五患者溝渠道路避村落遠井窞按古者墓地葬日皆決於卜筮今人不曉古法且從俗擇之可也

# 穿壙

溫公曰今人葬有二法有穿地直下為壙而懸棺以窆者有鑿隧道傍穿土室而攢柩於其中者按古唯天子得為隧道其他皆直下為壙而懸棺以窆今當以此為法其穿地宜狹而深狹則不崩損深則盜難近也

## 刻誌石

用石二片其一為蓋刻云某人之墓其

一為底刻云某人諱某字某某州某縣  
人父某母某某年某月日生某年月日終  
某年月日葬某地以二石字面相向而  
以鐵束束之埋之壙前近地面三四尺  
間慮異時陵谷變遷或誤為人所動而  
此石先見則人有知其姓名者庶能為  
掩之也

墳高四尺立小石碑於其前亦高四尺  
高尺許

溫公曰按令式墳碑石獸大多寡雖各有品數然墓者當為無窮之規後世見此等物安知其中不多藏金玉耶是皆無益於亡者而反有害故令式又有貴得同賤賤不得同貴之文然則不若不用之為令矣文公曰今按孔子防墓之封其崇四尺故取以為法用司馬公說別立小碑但石須闊尺以上其厚居二之一圭首而刻其面如誌之蓋乃畧述

其世系名字行實而刻於其左轉及後  
右而周焉婦人則俟夫葬乃立面如夫  
亡誌蓋之刻云

三虞祭葬之日日中而虞或墓遠則但不  
出是日可也若去家經宿以下則初虞  
於所館行之鄭氏曰骨肉歸于土魂氣  
則無所不之孝子其彷徨三祭以安之  
葬時奠而不祭但酌酒陳饌再拜而已  
虞始用祭禮卒哭則又謂之吉祭○遇

柔日再虞乙丁巳辛癸爲柔日其禮如  
初虞若墓遠途中遇柔日則亦於所館  
行之○遇剛日三虞○甲丙戊庚壬爲  
剛日其禮如再虞若墓遠亦途中遇剛  
日且闕之須至家方可行此祭

### 卒哭

檀弓曰卒哭曰成事是日也以吉祭易  
喪祭故此祭漸用吉禮三虞後剛日卒  
哭



禘祭

檀弓曰殷既練而祔周卒哭而祔家禮用卒哭明日而祔

小祥 暮而小祥

自喪至此不計閏凡十三月。古者十日而祭今止用初忌以從簡易。鄭氏曰祥吉也大祥放此

大祥 再暮而大祥。

自喪至此不計閏凡二十五月亦止用

第二忌日祭

禫 大祥之後中月而禫

自喪至此不計閏月二十七月文公曰  
間一月也鄭氏曰澹澹然平安之意○  
溫公曰士虞禮中月而禫鄭註曰中猶  
間也禫祭名也自喪至此凡二十七月  
所謂中月而禫者蓋禫祭在祥月之中  
也歷代多從鄭說今律敕三年之喪皆  
二十七月而除不可違也文公曰二十

月祥後便禪。君來當如王肅之說。於是月禪徙月樂之說爲順。今從鄭說。雖是禮宜從厚。終未爲當。

祭禮畧

時祭用仲月

孟春下旬之首擇仲月三旬各一日。或丁或亥。○溫公曰。王制大夫士有田則祭。無田則薦。註祭以首時薦以仲月。今國家惟享太廟用孟春。自周六廟濮王

廟皆用仲月以此私家不敢用孟春○  
高氏曰何休曰有牲曰祭無牲曰薦大  
夫牲用羔士牲用豚庶人無常牲春薦  
韭夏薦麥秋薦黍冬薦稻韭以邠麥以  
魚黍以豚稻以鴈取甚新物相宜凡庶  
饔不踰牲若祭以羊則不以牛為饔也  
今人鮮用牲唯設庶饔而已○文公曰  
凡祭主於盡敬愛之道誠而已貧則稱  
家之有無疾則量筋力而行之財力可

及者自當如儀

冬至祭始祖

程子曰此厥初生民之祖也冬至一陽之始故象其類而祭之

立春祭先祖

程子曰初祖以下高祖以上之祖也立春生物之始故象其類而祭之

季秋祭禘

程子曰季秋成物之始亦象其類而祭

之繼禰之宗以上皆得祭惟支子不祭  
○文公曰某家舊時時祭外有冬至立  
春季秋三祭後以冬至立春二祭始祖  
之祭似禘先祖之祭似祫於理似僭覺  
得不安遂已之至於季秋依舊祭禰  
忌日祭○文公母夫人忌日著黻墨布衫  
其巾亦然問今日服色何謂曰豈不聞  
君子有終身之喪

墓祭○三月上旬擇日而祭之

文公曰古人無墓祭唐人亦不見有墓祭但是拜掃而已或問墓祭祭后土否曰就墓外設位而祭冠婚喪祭四禮之廢已久是可哀已按季氏居家必用初卷畧載文公家禮其意甚善又按秦氏本不載別載孫氏薦饗儀範今觀文公家禮非可妄損益近世士大夫家能行之者詳見本書全帙於祭禮一條孫氏家儀亦可參擇用之故并存於后

祭義

序畧曰先王之制祭禮也不欲數數則煩不欲䟽䟽則怠君子濡春露履秋霜必有悽愴慄惕之心是故春禘秋嘗夏商相禴周公以禘為王者之祭易名曰祠而魯人始殺而嘗閉蟄而烝至於春以韭邠夏以魚麥秋以豚黍冬以稻鴈雖庶人不得廢時薦也經曰祭從生者蓋眎子孫之為大夫為士為庶人也傳曰



祭從先祖又重於子孫改作也禮固不敢輕議酌古參今唯其宜唯其稱或庶幾焉故取上士祭饗之時傳古士庶人之禮著孫氏薦饗儀範實取有田則祭無田則薦之義雖貧窶衣食不克亦可求仁者之粟力行之所以標顯孫氏者猶唐范傳正時饗儀行之於家使子孫奉以周旋云爾紹興三年孫偉叙

時月第一

正月朔旦三陽交泰萬物發生乃人道報  
本反始之時為一歲初祭○春薦以清  
明節日○夏薦以五月五日○秋薦以  
九月九日○冬薦以冬至日并歲旦一  
歲共五祭○世俗以冬至後一日五炊  
熟不火食以待清明改火謂之寒食蓋  
晉風因介子推逃文公之祿文公焚山  
久而成俗今河東士民以棗麵為炊餅  
貫柳枝於戶上號曰子推遂變為寒食

節天下往往不以為非漢并州刺史周  
舉嘗作文辨之久而難變也俚儒又緣  
開元拜掃之儀於是日野祭充道輿訓  
亦數百年矣今之清明日為春薦四時  
薦饗並寢若子孫得路歸守丘墓則在  
家薦饗畢詣神道洒掃展省城外望拜  
掃除墓左  
右燕歲外望再拜  
而退不持酒饌行○自漢至唐臣庶饗  
祭皆避孟月或以二分或以二至或以  
社或以蜡日社與蜡唐人固嘗論其失

矣。但上世以來多用歲旦冬至爲合祭。八節爲薦新。䟽數不常。亦有故輒廢。率不合禮。今於四時折中。以傳禴祠烝嘗之義云。

## 版位第二

唐諸家祭儀皆用開元禮。文武官六品以下。達於庶人。祭于正寢。國朝士族相因。凡登朝籍皆得祭三世。偉家祭三世。亦數十年。古之朝天子者。謂之大夫。蓋今

之朝臣也。固當尊祖矣。○古者士大夫皆有家廟。既虞則作主。刻宮封名氏。今以祭寢之禮。絜酌以栗木作牌子。高一尺三寸半。曾祖曰曾。大考官封妣曰某郡某氏。父曰顯。考官封妣曰某郡某氏。匣而藏之。薦饗則俟排辦訖。祭主捧而置于几。祭畢復藏之。其匣於正寢側室奉香火。旦朝之。

謂晨興盥櫛罷冠帶入室上香肅拜而退

眉山劉氏曰。虞者既葬返哭而祭也。蓋未葬則柩猶在殯。既葬則返而卜焉。則虞度其神氣之返。於是而祭以安之。且爲木主而托之。以憑依焉。故謂之虞主。嘗求之傳註。謂天子九虞。以九日爲節。諸侯七虞。以七日爲節。大夫五。士三。由是言之。既葬而虞。虞而卒哭。降殺有等。自春秋末世。大夫僭用諸侯七虞之禮。夫後代循習。莫

究其義而世作遂以親亡以後每七日必供佛飯僧以爲是日當於地府見某王者吁。古人七虞之說乃如是哉。故世之治喪者未葬則當朝夕奠朔望殷奠既葬則作主虞祭不必惑於浮屠齋七之說庶乎可謂祭之以禮矣。

四時薦享。肆筵設几。謂如南向之寢。則曾祖坐在其中。以東爲上。祖座在東。考座

在西皆以北爲上東向西北向之寢祭  
此廟祭則東向位爲尊今薦儀也所以  
不同○忌日質明設几筵于正寢捧位  
版置几上祭畢伏歲皆如上儀

### 薦饌第三

春薦韭卵

以韭爲饌以卵爲饌

○夏薦麥魚

以新麥爲饌以新魚爲饌

以鯽魚爲饌

○秋薦豚黍

以新黍爲饌以新豚爲饌

○冬

薦稻鴈

以新稻爲饌以新鴈爲饌

○四時

薦新外兼以雞羊鹿豕其造熟食五品



時果五品

無稌實處之菜五品  
菹芥蘆

地所藏土

○薦新之日或有珍饌異果

謂本草或者食並聽兼列禮曰廢人無故

不食珍必先祭饗也○祭饌皆女婦主

之或有故

痛疾即用庖人子孫躬親厨

爨監覲○薦饗之味貴于新潔稱家有

無太豐則近乎僭侈太儉則近乎迫隘

皆君子所不取唯豐潔所中可以常守

禮雖王公大饗不用菜味不貴多品今

寢薦廟祭不同廟祭乃有養牲外首之  
儀今時饗止以熟食五品祭酌折中不  
可增減有力則豕一羊一前祭一日宰  
之無力則度斯儀宜用物市肆售之○  
忌日以雞魚羊豕隨屠肆所有之味造  
熟食五品○每月朔旦於藏版匣之室  
中設時果五品盤醢三副以清酌獻

祝辭第四

隨時恭用

**元旦**云維某年歲次某甲子某月某甲子

朔旦

他年即云某甲子朔某日甲子嗣曾孫其官某官

即稱一敢昭告于曾大考官封某公伏以

禴祠烝嘗四時之薦祭義蓋秉周禮人道之遺夏正永推報本之誠莫大致嚴之重謹於䟽怠不敢越踰酒醴清甘牢饌馨潔祇率惟恪仰冀鑒歆尚饗○

**清明**

伏以惟春之和萬物秀茁獻非

以卯厥有故常謹以清明祇率祠事致嚴斯恪仰冀降歆尚饗○

**清明**

伏以

仲夏嘗麥。侑以鮮鱗。厥有故常。不敢不  
謹。謹以端午。祇率禴事。致嚴斯恪。仰冀  
鑒歆。尚饗。○**禮記云**伏以農夫之慶百

穀用成。黍稷馨香。適當時薦。謹以重九。  
祇率嘗事。致嚴斯恪。仰冀鑒歆。尚饗。○

**禮記云**

伏以閉蟄而承。蓋有古制歲之

義。實見千經。維日至之延長。延周家之  
正月。謹以冬至。祇率烝事。薦稻之恪。仰  
冀鑒歆。尚饗。○**禮記云**維某年歲次某

甲子某月甲子朔某日甲子嗣曾孫其  
官某敢昭告于曾大考官封某公。以  
四時改易。忌日在辰恭設几筵仰思教  
誨終身之慕言不勝情尚饗。偉逮事曾  
門而繼家嫡故其忌日之辭如此不逮  
事大考以上則改用下辭恭設几筵謹  
陳薄禮庶或來格克鑒微誠尚饗

眉山劉氏曰或問伊川先生曰忌日  
祀兩位否先生曰只一位愚謂家庭

之祭與國家祀典不同。家庭晨夕且望於父母之敬。未嘗舉一而廢一也。魯人之祔也。合之。孔子以爲善。忌祭何得不然。故忌祭仍當兼說考妣。若祖考忌日。則祝辭末句增曰。謹奉妣某氏夫人配。妣忌日。則曰。謹奉以配考某公。後之君子。更宜審擇。天祭者孝子所以饗親。義所以致嚴也。自漢魏以來。諸家祭法。有迎神送神之儀。

乃在廟中。禮雖樂以迎來。哀以送往。  
亦廟祭屍出入之事。今時薦但以祝  
文致誠而已。

### 器服第五

祭器尚質。素。質。純潔。古之廟制。鼎俎。豆  
音耦有差。生時饗用之物。事死如事生。  
故以生時用器奉之。近世用盤盞碗碟  
亦斯義也。今每位用盞子十。或圓徑六  
寸。素木加漆。或丹。或黑。鉛錫銅。廟之廢。

可耐久不及漆素木亦可貧不能具即

五事

十則六薦熟食果蔬各為二事五則半比

盤盞

一或錫

或用碗二制度如盞子而深

○祭服有

官者服其賜服無官者服深衣

依禮記制度

為之

### 行事第六

祭前二日修具排辦濯器皿○前一日致

齋

為不飲酒食肉吊喪問疾

○祭之日

雞初鳴興與櫛服其服入祭室具燈燭



陳酒樽列祭饌訖雞二鳴行事○祭之日雞三鳴初獻詣藏匣前焚香捧位版置于所設之座躬親酌酒於盞三上香跪奠酒於几上以洗俛伏興再拜跪讀祝文又俛伏興再拜復位亞獻躬親酌酒於盞跪奠俛伏興再拜終獻如亞獻之儀若一人兼行三獻每奠皆如上儀仍依昭穆次序三代各一座先曾祖次祖次考皆畢即於燈燭上焚祝文再拜捧位

版藏之訖退○遇忌辰設几筵一所質  
明陳酒樽祭饌畢祭主詣藏匣捧位版  
置几上再拜三上香酌酒於盞跪奠俛  
伏興再拜跪讀祝文俛伏興再拜少頃  
如人行再奠俛伏興再拜焚祝文捧位  
版藏之訖退○每月朔旦初酌酒三上  
香跪奠俛伏興鞠躬禱曰某月朔旦嗣  
曾孫某謹以清酌獻曾大考顯考各舉  
伏乞歆格再酌再奠三酌三奠畢凡在

位子孫作一列再拜訖退

六祭儀以致誠爲本。非禮爲文所爲洞洞屬屬然在其孝欽爾有子弟即分三獻。祭日前期相與講習。闕則祭主獨爲之。行事時無太亟急無太舒緩急則紛紜舛錯緩則跛倚不能卒事矣。凡薦饗以雞二鳴行事有官守。冬至正旦以雞初鳴。臘月朔以雞三鳴行事。忌日祖考去給假曾在疾在假一日。近世焚楮泉

及下里僞物。唐以前無之。蓋出於王莽  
輩。率合寓焉之義。數百年間。俚俗相師。  
習以爲常。至於祀上帝。亦有用之者。皆  
浮圖老子之徒。欺惑愚衆。天固不可欺。  
乃自欺爾。士大夫從而欺其先。是以祖  
考爲無知也。顏曾公嘗不用矣。惜乎不  
以文字導愚民焉。偉今一切斥去之。有  
違此訓。非孫氏子孫也。

凡爲塋九世之塋當以祖墓分心南北空  
四十五步使可容昭穆之位分心空五  
十四步可容男女之殤位東西不必預  
分臨時量所塋人數裁酌



# 壑之圖

其不為壑者以壑之形而壑之形仍皆  
與夫同封凡此壑者以東為上其正  
東經室及有于之壑

其不為壑者以壑之形而壑之形仍皆  
與夫同封凡此壑者以東為上其正  
東經室及有于之壑

壑之形

其不為壑者以壑之形而壑之形仍皆  
與夫同封凡此壑者以東為上其正  
東經室及有于之壑

壑之形

壑之形  
壑之形  
壑之形  
壑之形  
壑之形  
壑之形  
壑之形  
壑之形  
壑之形  
壑之形

壑之形

族墓圖說

宗法之壞久矣。人之族屬散無

統紀。雖奉先之祀。僅伸於同親。而袒免以還。不復相錄。能知同享其所自出者寡矣。幸而周禮不泯。族墓之類。猶有一二存者。如祖塋拜掃。踈遠咸集。餽福祚相勞苦序。間闊尚可見同宗之意也。但塋者惑於流俗。困於拘忌。冢墓叢雜。昭穆淆亂。使不可辨識。又或子孫豐顯。取塋下列。別建兆域。以遠其祖。是皆可恨。



也已。今取墓大夫冢人之義參酌時宜。

爲之圖說藏于祠堂以遺宗人俾凡有

喪按圖下塋無事紛紛之說焉。蓋冢之

祭止於高曾祖考親親也。按朱文公家

爲四龕以奉先世高祖考妣居從西第一龕曾祖考妣次之祖考妣又次之考

妣居東龕嗣子易世則遷近祔殿焉其親盡者埋神主于墓所或祠堂兩階之

間墓之塋則以造塋者爲始祖。謂從他國遷於

此地沒則子孫始造塋而塋者也墓居塋之中央北首妻沒則祔其右有繼室

則妻居左而繼室居右二人以上則左有以次祔焉其有子之妾又居繼室之

次亦皆與夫同封按禮雖以地道尊右而葬法周禮昭穆之制昭穆尚左故不得不得子不別嫡庶室不分孰為妻父繼用焉孫不敢即其父及不嫡庶貴賤也皆出孫不敢即其父及不嫡庶貴賤也皆以齒列昭穆並列以尊祖之東西上其正妻繼室有子之妾各附其夫之東仍皆與夫同封諸孫墓祖之西昭穆位其首並列以東為上妻繼室有子之妾各附其夫之西與昭穆同凡昭穆之墓每一列自墓分心南北相去各九步法陽數也每列東西則不可預分蓋其所葬人數多寡難於前定也若夫貴之與賤碑表存焉為人之第者不可以地而不序天倫尊尊也敢私補其父也魯玄而下左哉

右祔諸魯孫不分何房所出皆序齒列

以其班也左皆曰昭昭與昭併穆與穆

併兄弟同列祖孫同班在昭位則百姓

可行也六世孫在魯孫之南七世孫在

九世孫在七世之南雖昭尚左穆尚右

貴近尊也以近祖北首諸幽冥也妻繼

室無所出合祔其夫崇正體也妾從祔

妻曰合母以子貴也則有子降女君明貴

賤也按韓魏公墓所生母胡氏其柩退

根當此正妻與夫同封示繫一人也其

黜與嫁雖宗子之母不合葬義絕也男

子長殤居成人之位十有六為父之道

也中下之殤處祖後示未成人也至十六

九為長殤十二至十五為中殤八歲至

禮周人以股之棺柳蒸長殤以夏后氏

之堅尚墓中殤下殤又曰下殤葬于園

與槨而往不棺歛於宮中自周公時已

不與槨即葬于墓然尚有以見古人視

長殤與中下之殤禮亦異矣故今以長

殤居成人之位中殤已娶亦然其未娶

者與下殤葬祖之北積東殤女葬祖之

北稍西祖墓正北不可下穴其地東四

哭三步驟三才也凡殯是祖之子與女  
其墓夫祖北六步若孫則在祖之北孫  
女在女之北魯玄而下行南首每  
一列自墓分心南北亦相去六步法陰  
數也蓋昭穆前引用陽數殯後引用陰  
數凡葬此者男子先沒則居西後沒者  
次其東女子先沒則居東後沒者次其  
西皆不以齒為序按周禮先王之塋子  
孫從葬而諸侯之祔者則前引大夫士  
之祔者則後引蓋前賁後賤一以爵為  
尊卑同朝廷之禮也若後世長庶之家  
其制不應乃爾祖當以齒之序而今成  
人前引殯後引  
亦不失禮意矣

序不以齒不期天也

如弟先塋而留兄之  
穴則是預期其兄天

也男男女女異位法陰陽也

男居祖北之東  
女居祖北之西

而昭穆必以班不可亂也

男女雖異位而二位東西

相照必使每列祖北不基避其正也嫌其

行其爲一列祖北不基避其正也當祖

歆茲後者皆南首惡其趾之向尊也嫁

文還家以殤處之如在室也按程子曰

以殤穴在殤女位故今

妾無子猶陪塋以思

終也

始祖之妾無子者亦陪塋子之西

在祖妾之北曾玄以下每列盡然而皆南首

先塋者居東後塋者次其西不以嫡姁

年齒爲序按禮古之公卿大夫爲貴妾

服總士妾有子亦服之則公卿貴妾無

子猶服也今之妾其無所出者生享諸

母之尊。後與路人。不異。據經。於義。禮所  
未安。故列諸墓內。以廣愛親之意焉。

族墓者。所以尊遠祖。辨昭穆。親述屬。宗  
法之遺意也。爲子孫而墓其親。苟非貧  
乏。塗遠。不祔于祖。與祔而不以其倫。則  
視死者爲不物矣。其如焚屍沉骨。委之  
烏鳶。孰不可忍也。尚何望其能事祖與  
宗人哉。嗚呼。去順效逆。墓不以禮。繩以  
春秋誅心之法。其亦難乎免矣。

居家必用事類全集乙集